

## 每週經課朗誦經文(巴克禮漢羅/教羅)2015/10/11

### 共同經課 - 1

#### 約伯記二十三章一節~九節、十六節~十七節

1 約伯應講，2Ta<sup>n</sup> 我 ê 哀怨算做悖逆；我所受 ê 責罰 khah 重 tī 我 ê 吐氣。3 願我會知 tùi 怎樣 chhē 上帝，hō 我 thang 到伊 ê 座位！4 我 beh 排列案件 tī 伊 ê 面前，我 ê 嘴夠額 thang 辯明。5 我也得 tiòh 知伊應我 ê 話，也明白伊對我所講 ê。6 伊 kiám beh 用大權能 kap 我計較 mah? 的確無 án-ni；伊 beh à<sup>n</sup> 落聽我。7Tī-hia 正直 ê 會 kap 伊辯論，án-ni，我 beh 永遠脫離審判我 ê。8 看 ah，我進前去，伊無 tī-hia；我退後去，也無看見伊；9Tī tò-pêng 伊 teh 行 tãi-chì，我無看見伊；tī chià<sup>n</sup>-pêng 伊 tiàm 密，我也無看見伊。16 因為上帝 hō 我失膽，全能 ê 雨我 gī-gī-chhoah；17 因為我 ê 驚惶 m̄ 是為 tiòh 烏暗，也 m̄ 是因為烏暗遮蓋我 ê 面。

### 共同經課 - 2

#### 詩篇二十二篇一節~十五節

1 大衛 ê 詩；交 hō 樂官；調用「早起時 ê 鹿母」。1) 我 ê 上帝，我 ê 上帝，啥事放離我？ 啥事離開遠遠，無救我；m̄ 聽我喉叫 ê 話？2 我 ê 上帝 ah，我日時求叫，你無聽我； 暝時求叫，我亦無靜靜。3 總是你是聖，你是用以色列 ê o-ló 做座位 ê。4 阮 ê 列祖 oá 靠你， In oá 靠你，你就拯救 in。5In 哀求你，就得 tiòh 拯救； In oá 靠你就不致見笑。6 總是我是蟲 thoā，m̄ 是人；Hō 人譏刺，hō 百姓看輕。7 凡若看見我 ê，lóng 恥笑我； In ngiauh-嘴搖頭，講，8Tiòh 將本身交代耶和華，伊 thang 救伊； 耶和華既然歡喜伊，伊 thang 救伊。9 總是你是 hō 我出老母 ê 胎 ê， 我 tī 老母 ê 胸前，你 hō 我 oá 靠你。10 我 tùi 胎裡出，就交代你； Tùi 我出老母 ê 腹肚，你是我 ê 上帝。11M-thang 離開我遠遠；因為患難逼近， 無有幫贊我 ê。12 有 choē-choē 牛 káng 圍繫我； Pa-san 勇 ê 牛四面圍困我。13In òng 我開嘴， 親像 teh peh 拆，teh 大聲哮 ê 獅。14 我親像水 pià<sup>n</sup> 出，我 ê 骨 lóng thút-lùn； 我 ê 心親像蠟，消熔 tī 腹內。15 我 ê 精力枯焦，親像 hāu-phia<sup>n</sup>-phè； 我 ê 舌連 tī 我 ê chiū<sup>n</sup>-kiu<sup>n</sup>； 你 hē 我 tī 死地 ê 土粉。

### 共同經課 - 3

#### 希伯來書四章十二節~十六節

12 因為上帝 ê 道是活 ê，是有功效 ê，比一切雙面 ê 劍 khah 利，凡若魂 kap 神，骨節 kap 骨髓，無 m̄ 刺入破開，心內 chiah-ê 念頭 kap 主意亦無 m̄ 鑑察。13Koh 所創造 ê，tī 伊 ê 面前無一項蓋密:就是萬物掀開露出 tī 審判咱 ê 目前。14 所以咱已經有大 ê 祭司頭，上帝 ê Kiá<sup>n</sup> 耶穌，經過 hiah-ê 天，就 tiòh 執守所承認 ê。15 因為咱所有 ê 祭司頭 m̄ 是 boē 會體貼咱 lóng 總 ê 軟弱；就是凡事平平有受試，但是無罪。16 所以咱 tiòh 好膽就近恩典 ê 座位，thang 受憐憫，也得 tiòh 恩典，做及時 ê 幫贊。

### 共同經課 - 4

#### 馬可福音十章十七節~三十一節

17 耶穌出去 tī 路裡，有一人走進前來跪伊，問講，好 ê 先生 ah，我 tiòh 怎樣做，chiah thang 承接永活？18 耶穌 kā 伊講，你啥事稱呼我是好 ah？無一個好，獨獨上帝 nā-tiā<sup>n</sup>。19Chiah-ê 誠你已經知，莫得 thài 死人，莫得姦淫，莫得偷 thèh，莫得 lām-sám 做干證，莫得刻虧人，Tiòh 敬你 ê 父母。20 伊應講，先生 ah，chiah-ê 我 tùi 細漢 lóng 守伊。21 耶穌看伊，疼伊，就 kā 伊講，你 iáu 欠一項；tiòh 去賣你凡所有 ê，來 hō sòng-hiong 人，就 beh 有財寶 tī 天裡，koh 來 tè 我。22 伊聽 chit-ê 話，面就失色，憂悶就去。因為伊產業真 choē。23 耶穌四界看，kā 伊 ê 學生講，富人入上帝 ê 國 oh---ah。24 學生奇怪伊 ê 話；耶穌 koh 應講，細 kiá<sup>n</sup> ah，oá 靠錢財 ê 富人入上帝 ê 國 oh--ah。25 駱駝穿過針鼻比富人入上帝 ê 國 iáu khah 快。26 學生益發 gông-ngiáh，kā 伊講，Án-ni chī-chūi 會得 tiòh 救 ah？27 耶穌看 in 講，在人是 boē 會，在上帝就 m̄ 是 án-ni；因為在上帝萬事 lóng 會。28 彼得就 kā 伊講，阮 bat 放 sak 一切來 tè 你。29 耶穌講，我實在 kā 林 講，無有人為 tiòh 我 kap 福音 ê 緣故放 sak 厝宅、兄弟、姊妹、老母、老父、kiá<sup>n</sup> 兒、田園，30 就 tī 現時無得 tiòh 百倍，就是厝宅、兄弟、姊妹、母親、kiá<sup>n</sup> 兒、田園，kiám 有 khún-tiòk，koh tī 來世 beh 得 tiòh 永活。31 總是事先 ê choē-choē beh 做路尾，路尾 ê 也 beh 做事先。